

Sed instant Calviniani:

*Quicumq; in cœnâ comedunt corpus Christi, illi aut comedunt illud vel mortale vel immortale, aut planè non comedunt:*

*Sed Lutherani in cœna nec mortale nec immortale corpus Christi comedunt:*

*E. illud planè non comedunt.*

*Minor patet: Quia jam non amplius est mortale. Neq; etiam immortale comedunt. Sic enim aliam carnem comederent, quàm Apostoli, quod est absurdum. Illi enim passibilem & mortalem carnem Christi comederunt. Jam verò non amplius est passibilis & mortalis.*

*Resp. iterum confunditur Accidens cum substantia rei. Id enim corpus comedimus, quod Apostoli comederunt, sed non tale, quale Apostoli comederunt.*

*Et nullum absurdum est, nos ore manducare carnem Christi impassibilem & immortalem, quum Apostoli manducârint carnem Christi passibilem & mortalem. Φλυαρολόγημα enim est, velle argumentari à qualitate rei ad substantiam rei. In cœ-*